



NAMA I TUPANAXÜTAWA NAWA INGUXÜ



©2011 por World Missionary Press, Inc. Cubierta de Edwin B. Wallace. Meryl Esenwein,
arte arriba y en paginas 10, 12, 14, 16, 27, 29, 39, 41, 42, 44, 46, 47 y 48.

**Tupana nanaxü ga daxūguxü i naane rü ñoma 1
i naane rü guxüma i nawa maxexü.**

“Rü noxriarü ügügu rü Tupana nanaxü ga ñoma i naane....”
Ügü (Génesis) 1:1

“Rü Nanexü nixi ga namuxü ga Tupana na naxüäxücax ga
guxüma i tacü i ñuxma ngexmaxü i daxūguxü i naanewa rü
ñoma i naanewa....”
Coróchacüäx 1:16

“Rü... Tupana i daxūguxü i naane rü ñoma i naanearü üruxü
rü tá pexü narüngüxëe. Rü ngema daxūguxü i naane
rü... Tupanaarü nixi, rü ngema ñoma i naane rü duüxügünä
nanaxä.”
Wiyaegü (Salmos) 115:15, 16

**Ñoma ga naane rü name ga yexguma Tupana yatüna
naxäxgu. ¡Nüxü nadaumatü i ñaa popera na nüxü cucuáxü-
cax na tacü üpetüxü!**

Tupana nanaxü ga yatü.



“Rü yexguma ga Tupana rü nügumaa ñanagürü:—Ngixā tanaxü i duūxü na taxrüü naāēxü nacuáxüçax rü norü yora yixixüçax i guxüma... ñanagürü.” Ügü (Génesis) 1:26

**Tupana nanaxü ga yatü rü
maxü nüxna naxā.**

“Rü yexguma . . . Tupana naxüxgu ga . . . yatü, rü waixümütewa
nanaxü. Rü maxümaxa naráügu nacue . . . ”

Ügü (Génesis) 2:7

“. . . Tupana rü ñanagürü: —Rü tama name na nüxicá nangex-
maxü ya yatü. Rü ngemacax tá chanaxü i wüxi i namüçü na
norü ngüxéēruü . . . yixixücax.”

Ügü (Génesis) 2:18

“. . . Rü Cori ya Tupana rü ngixü naxü ga wüxi ga nge. Rü
ñuxüchi guma yatüxütawa ngixü naga.”

Ügü (Génesis) 2:22

Adáñ rü Éba rü tama Tupanaga naxñüe.



Tama name na Chatanága ixñüexü.

“Rü... Tupana yema naane ga Edéügu namuxgu ga guma **5** yatü, rü nüxna naxāga na mea nüxna nadauxūcax ga guxūma ... Rü nanaxucuxē:—Marü name i cunangōx i guxūma i ñaa naanewa ngexmaxü... natürü ngema nanetü i cuax i mexü, rü cuax i chixexü nawa ngexmaxü, rü taütáma cunangōx. Erü ngexguma tá cunangōxgu rü... aixcümaxüchi tá cuyu —ñanagürü.”

Ügü (Génesis) 2:15-17

Ngema Äxtape i Ngoxo ixīxü rüexna Chataná ixīxü rü **Tupanaxü nidoragaaxü** rü yemaäcü nanawomüxēē.

“Rü... ga äxtape rü ñanagürü ngixü: —Tama aixcüma nixī i ngema. Rü taütáma peyue... —ñanagürü. Rü ngima ga nge rü iyacawe ga wüxipü ga norü o rü inangōx rü ngitemaa ingau rü nüma rü ta nanangōx.”

Ügü (Génesis) 3:4, 6

**Adáū rü Éba rü marü taxucürüwa
yema nachicawa nayexmagüecha.**



“Rü yexguma ínataxuchiäguwena rü Edéümaüğü nanamugü ga daxücüäx ga duüxügü ga ixäxpexátüxü, rü yexma nanaxú ta ga wüxi ga tara ga iyauracüüxü ga guxücüwagu yawexema
ächixüxü....”

Ügü (Génesis) 3:24

**Yema ngunexű ga Adáű rű Éba nagu chixexű 7
üexű rű wüxi ga ngechaű nixī naxcax i
guxűma i duűxügű.**



“Rü wüxitama ga yatügagu nixī ga guxűma ga duűxügűwa
nanguxű ga pecádu.... Rü yemagagu nixī ga inaxügüxű na
nayuexű ga duűxügű....”

Dúmacüäx 5:12

Nangexma i tacü i nüxna icuaxächixű:

**Guxűma i duűxügű rü pecádumaa nabue, rü wüxi i ngunex-
űgu rü tá tayue, erü pecádugagu nixī i nangexmaxü i yu.
(¡Wena nüxű nadaumatü i Dúmacüäx 5:12!)**

8 Tupanaarü ūnū nixī ga Nane ya Cristu núma namuāxū na törü pecáduwa tüxū ínanguxūēēxūcax.



Rü yema duūxūgütanüwa na nanguxūcax ya Tupana Nane, rü wüxi ga ôxchanaācü ínangu.

“...Rü guxūma i Tupanaarü pora rü Cristuwa nangexma.”

“Rü ngima tá ngixū nangexma i wüxi i ngine rü cuma rü tá Ngechuchugu cunaxüéga... erü núma tá norü pecádugüwa ínanguxūxēē i norü duūxūgü.”

—Matéu 1:21

Coróchacüäx 2:9

Ngechuchu rü Tupana nixī rü duűxüxü nügü nixīxēxē.

9

“Naxüpa ga guxüma, rü marü nayexma ga Tupana Nane. Rü Tupanamaxa nayexma rü woetama Tupana nixī ga nümax. Rü nüma... rü narüduű rü totanüwa nayexma... rü toma rü nüxü tadaugü.”

Cuáű 1:1, 14

“Rü guxüma ga yema orearü ngeruű nüxü ixuxü rü nangupetü:... —Rü tá ixăxacü i ngeema nge i taguma yatüxü cuaxcü. Rü tá nayatü rü Emanué tá nixī i naéga....”

Matéu 1:22, 23

“Rü taxcax nabu i wüxi i õxchana.... Rü ñaagü tá nixī i naé-gagü i namaa naxugüäxü: Rü Mecümaxüchicü, rü Ucuxēruű ya nüxü cuaxüchicü, rü Tupana ya Poraxüchicü, rü Tanatü ya taguma yucü, rü Tupana Nane ya ngüxmüxēruxü ixīcü.”

Ichaía 9:6

10 Ngechuchu ya Cristu rü törü ãmare ya mecü nixī i Tupanapewa.

“Cristu rü taguma pecádu naxü . . .” 2 Corítiucüāx 5:21



“Nüma ga Cristu rü taguma pecádu
naxü . . .” 1 Pedru 2:22

**Nataxuma i to i ãmare i mexű
i nüxű iyarüngauxű i ñuxăcü
nanaxoxeē i törü chixexű.**

“Yerü guma wocagü rü chibugü rü
tama napora na iyanaxoxeēăxűcax ga
pecadugü.” Ebréugü 10:4

Ngechuchu nixī i Tupanaarü ãmare. “. . . Da nixī ya yima
Tupana núma namucü na nayuxűcax na . . . duüxügürü
pecáduxű iyanaxoxeēxűcax.” Cuáü 1:29

Ngechuchu rü inanaxā ga norü maxū na tūxū namaxēxēxūcax.

11

Ngechuchu rü curúchawa nayapotagü ga duűxügü yerü naxchi naxaie. Natürü Tupanaarü īnū nixī ga na Ngechuchu rü norü ngúchaūmaax inaxāăxū ga norü maxū, rü yemaăcü cuxū rü choxū ínanguxuchixēē nawa ga chixexügü.

Ngechuchu rü ñanagürü: “Taxúema choxū tayuxēē, natürü chorü ngúchaūmaatama ichanaxā i chorü maxū....”

Cuáū 10:18

Ngechuchu ya Cristugü nanaxütanü ga törü pecádugü.


“Yerü tama uiru rüexna diēru i ngauxwaexūmaa nanaxütanü... natürü Cristugümaa nixī ga naxütanüăxū.”

1 Pedru 1:19

**Tataxuma ya toguxe ya taxcax yúxe rü tūxna
nayaxúxe i törü pecádu.**

12 “Rü ñuxma rü Tupanapewa time yerü taxcax nayu ga
Cristu....” Dúmacüäx 5:9

“...¡Choxna nacuaxächi i
ngexguma äëxgacüxü ícu-
nguxgu!” Lúca 23:42



“...Ñomatama
i ngunexügu
chomaa
cungexma i
mexëchixü i
naanewa.”

Lúca 23:43

Naa
ngítaxáxü rü
namaxü yerü,
Ngechuchuäxü
nayaxö.

“... Yexguma ipecáduäxgügu nixí ga taxcax nayuxü ga
Cristu.” Dúmacüäx 5:8

Naa
ngítaxáxü rü
inarütaxu
yerü tama
Ngechuchuäxü
nayaxö.

Guxāma ya yíxema Tupana Naneāxū yaxōxē rü tūxū nangexma i maxū.

13

“Rü Tupana rü poraācü nüxū nangechaū i ñoma
i naanecüāx i duūxūgū. Rü yemacax inanamu
ga Nane ga nügumāa wüxicacü, na guxāma
ya texé ya nüxū yaxōgüxe rü tama
itarütauxexūcax rü tūxū nangexmax-
ūcax i maxū i taguma gúxū.”

Cuáū 3:16

“Yerü nüma ga Tupana rü marü Chatanámexēwa tūxū ína-
nguxūxēē rü Nane ya nüxū nangechaūcümexēwa tūxū na-
ngexmagüxēē. Rü guma Nanegagu nixī ga tūxū namaxēxēēxū
rü tūxū nüxū nangumaxū ga törü pecádugü.”

Coróchacüāx 1:13, 14



“Rü yema orearü ngeruü
rü ñanagürü:... ;Taxú i
pemuüexü! Choma nüxü
chacuax rü Naxcax pedaugü
ya Ngechuchu ga guma
curúchawa yapotagüäcü.
Nataxuma i nua, erü wena
namaxü, yema nüma üpa
pemaa nüxü yaxuxürüü....”

Matéu 28:5, 6

Ngechuchu rü yuwa ínarüda.

15

“Rü choma nixī i chamaxűxű. Rü ūpa rü chayu, natürü i
ñuxma rü marü guxűgutáma chamaxechá. Rü choxmexwa
nangexma na ñuxgu tá nayuxű i wüxicigü i duűxű....”

Apocaríchiu 1:18

**Marü taxucaxma yuxű tamuűẽ erü Cristu rü yuxű
narüyexera rü naxmexwa nangexma i ngema.**

“Rü ngema i ngunexű i nagu chamuűxűgu rü choma rü
cuxna chacuaxachi.” Wiyaegü (Salmos) 56:3

**Ngechuchu rü cuxű namaxẽẽ rü Nanatüna
naca na cuxű nangűxẽẽxűcax.**

“Marü taxucaxma texé ya togue tingucuchi, erü nüma
ya Ngechuchu rü tagutáma nayu. Rü aixcüma tűxű
namaxẽxẽxű ya guxãma ya yíxema norü ngüxẽẽmaxa
Tupanaxütawa ngugüxe....” Ebréugü 7:24, 25

16 Cuma rü choma rü tükü natauxcha na tükü nangexmaxü i maxü i taguma gúxü.



¿Ngexürüväxü i nama
yixixü i nagu quixü?

Ngechuchu ya Cristu nixi
i nama na Tupanaxütawa
cunguxüçax rü cuxü
nangexmaxüçax i maxü i
taguma gúxü.

Ngoxo i Chataná nixi i
nama i yuwa nadaxü.

Daa bucü rü nama i maxü i taguma gúxüwa nadaxügu nixü.

¿Ngexűrűüxűcax tá nixí i cumaxűxű? 17

“... ¡Rü ñuxmatama nagu perüxínüe na tacürü tupanawe perüxixű!....” Yuchué (Josué) 24:15

“... ¡Écü penayaxu i maxű na pemaxěxűcax, rü namaxěxűcax i petaagü!” Deuterunómiu 30:19

Ngechuchu nixí i nama i maxű i taguma gúxűwa nadaxű.

“... Ngechuchuxicatama nixí ya törü maxěxěēruű... rü yixicatama nixí ga Tupana tüxna namucü na tüxű namaxěxěēxűcax....” Puracügü 4:12

“Chaxicatama nixí i Cori ya Tupana chixixű, rü choweama rü nataxuma i to i maxű pexna ãxű.” Ichaía 43:11

¿Tüxcüü Ngechuchuxü tayaxu?

1. Yerü nüma nixī ga núma naxūxü.

“... Núma chaxū na chanamaxēxēxücax i duūxügü . . . ”

Cuáü 10:10



2. Yerü nüma ga Ngechuchu nixī ga tūxü nangechaxüxü rü taxcax nayuxü.

“Rü . . . Tupana Nane . . . nixī ga choxü ngechaücü, rü nügü inaxāxü na chauxcax nayuxücax.” Gárataanecüäx 2:20

Ngechuchu rü nügü narüduü rü taxrüxü naxāmachi rü naxāchina. “. . . Rü yema norü yumaxa nüxü naporamae ga Chataná ga noxri nüxü yexmaxü ga pora na tūxü

iyanatauxexēēxücax, rü... Chatanámexēwa tüxü **19**
ínanguxüxēēxücax ya guxāma ya yíxema noxri naxcax
muūexe ga na tayuexü. Ebréugü 2:14, 15

3. Ngechuchugüxicatama nixī inaxüxüxü i törü chixexügü.

“Rü yima Nagüxicatama nixī ya maxüwa tüxü nguxēēcü.”
Lebítanüxügüchiga (Lebíticu) 17:11

“...Rü Tupana Nane ya Ngechuchu rü Nagümaa tüxü
inayanatauxēē i guxüma i törü chixexü.” 1 Cuáū 1:7

“Rü... tüxü namaxēxēē rü tüxü nüxü inarüngüma i törü
pecádugü.” Coróchacüāx 1:14



4. Ngechuchu ya Cristu nixī ga yuwa írüdacü.

“...Rü ñuxma na yuwa ínadaxü ya Cristu, rü tagutáma wena nayu, yerü nüma rü marü yuxü narüyexera.”

Dúmacüäx 6:9

“Rü...guxüma ga duüxügücax nayu ga Cristu, na ngema duüxügü i ñuxma maxëxü, rü tama nümatama nagu naxinüexügu namaxëxücax, natürü Naxcax namaxëxücax ya yima naxcax yucü rü wena írüdacü.”

2 Corítiucüäx 5:15

Ngechuchu rü ñanagürü: “... —Rü tá pemaxë, erü choma rü chamaxü.”

Cuáü 14:19

5. Rü tanaxwae na Ngechuchuxű iyaxuxű na tüxű nangexmaxűcax i maxű i taguma gúxű.

21

“...Rü Cristu rü pewa nangexma i ñuxmax, rü Nagaguxicatama nixĩ i pexű nangexmaxű i pechica i daxūguxű i naanewa....”

Coróchacüäx 1:27

“Rü ngexguma pewa namaüxgu i Naãxẽ ya yima Tupana ga Ngechuchu ya Cristuxű írüdaxeēcü, rü nümatátama... wena nanamaxeẽ i pexene i yuxwaexü, rü Naãxẽ i Üünexű i pewa maxűxű tá nixĩ i naxüxű i ngema.”

Dúmacüäx 8:11

**Ngexguma Ngechuchuxű iyauxgügu rü
Naãxẽ i Üünexű tawa nangexma.**

“...Rü yíxema tama tüxű nangexmaxe i Tupanaãxẽ i Üünexű i Cristu tüxna ãxű, rü tama Cristuarü tixĩ.”

Dúmacüäx 8:9

22 Ngechuchu rü guxüma i buxügütü nangechaü.



“Rü ngema nacümawa
nixi i nüxü icuáxü ya
wüxi ya ngextüüxcü
nax aixcüma mexügu
naxinüxü rüexna
tama.”

Ucuxëgü
(Proverbios) 20:11

Choxű nangechaű ya Ngechuchu, norü Popera chomaa nüxű nixu.

23

Ngechuchu rü ñanagürü: "... Chanaxwae i chauxütawa naxī i buxūgü. ¡Rü taxű i nüxna penachuxux! Erü Tupana aëxgacü íixixűwa rü tümacax nixī ya yíxema ñaa buxūgürüü ixígüxe."

Lúca 18:16

"... Penatü ya daxūgucü rü tama nanaxwae na wüxi i ñaa buxű na iyarütaxuxű." Matéu 18:14

Nüétama ega texé quixixgu, rüexna ngextácüäx quixixgu.
Ngechuchu rü cuvä nangechaű rü cuväcax nayu. Rü nanaxwae ta na nüxű cungechaűxű. Ngexguma naga cuvänuugu ya Ngechuchu rü nüxű cunawex na nüxű cungechaűxű.

"Rü ngexguma aixcüma choxű pengechaűgu, rü naga tá pexinüe i chorü mugü." Cuáű 14:15

24 ¿Ñuxācü i Tupanana cungaicamaxü?

1. *¡Ngechuchugagu Tupanana nangaicama!*

“... Tupana rü wüxitama nixī. Rü ngexgumarüü ta wüxitama nixī i taétüwa chogüxü... Rü nüma nixī ya Ngechuchu....”

1 Timutéu 2:5

“... Nüxǖ natauxchaxǖ nax aixcüma tüxǖ namaxēxēxǖ ya guxāma ya yíxema norǖ ngüxēēmaxa Tupanaxütawa ngugüxe....”

Ebréugü 7:25

Ngechuchu rü ñanagürü: “... Rü texé ya choxǖ yaxõgüxe rü taütáma tüxǖ chaxoox.

Cuáü 6:37

2. *¡Nüxǖ ixu na cupecaduăxü!* (Tupanaga tama cuxñüxü.)

“Rü guxāma tipecaduăxgü rü nüxna tayáxügugü ya Tupana ya tüxǖ maxēxēecü.”

Dúmacüăx 3:23

3. ¡Nüxű rüxo i chixexű!


“...Rü nüxű perüxoe i pecüma
i chixexű... na pexű ínapiāxűcax
i perü pecádugü....”

Puracügű 3:19

“...Nüma ya Cori... rü tamaa
yaxna naxinü. Erü tama nanaxwae
na texé iyarütaxuxű, natürü
nanaxwae i guxāma nüxű
rüxoexű i tümacüma i
chixexű.”

2 Pedru 3:9

4. ¡Ngechuchumaxa nüxű ixu i curü chixexügű!




26 ¡Rü ñaa wúyemaüğü naxümatü i 1 Cuáü 1:9, rü yima naxmex ya naátü i 25 -gu üxüneétügu ümatüxü!

5. *¡Nüxü rüxo i curü chixexügü!*

“Rü yíxema tümaarü chixexü icúxe rü taxütáma mexü tükü naxüpetü, natürü yíxema nüxü ixuxé, rü nüxü rüxoche, rü Tupana rü tá tükü nüxü inarüngüma.” Ucuxëgü (Provérbios) 28:13

“¡Rü nüxna ixügachi i ngema chixexü, . . . rü mexü naxü! . . .”
Wiyaegü (Salmos) 37:27



“...Ngema Tupana pemaa
mecümaxügagu nixī i pexü
nangexma i maxü i taguma
gúxü yerü peyaxō...Tupana
nixī ga pexna naxāmarecü ga
yema. Rü tama tacü i mexü
pexüxücax nixī...na nge-
maācü taxúema tügü icuaxü-
üxücax.” Epéchiucüäx 2:8, 9

6. ¡Ngechuchuãxü yaxō! 27

“...Ngexguma cuaxmaax nüxü
quixuxgu na curü Cori yiixü ya
Ngechuchu, rü ngexguma cuāē-
wa cuyaxoxgu na yuwa Tupana
ínadaxēēxü, rü tá cuxü nangex-
ma i maxü i taguma gúxü.”

Dúmacüäx 10:9

“...¡Nüxü yaxō ya Cori ya
Ngechuchu, rü tá cuxü nangex-
ma i maxü i taguma gúxü i cu-
max, rü guxü i cupatacüäx!”

Puracügü 16:31

28 7. ¡Guxű i curü maxűmaxa nayaxu ya Ngechuchu ya Cristu!



Cuwa nangexma na Ngechuchuna cuxuxű na curü maxűwa nangexmax-űcax. Ngechuchu rü ñanagürü: “Rü dükax, choma rü īāxwa changex-maecha. Rü ngéma: Tu tu tu ñacha-rügüecha. Rü ngexguma texé choxű ïnügu rü chauxcax tayawāxnagu, rü tá tūmaxütagu chaxücu. Rü tūmamaa tá chachibü rü tūma i chomaax.”

Apocaríchiu 3:20

“Natürüü guxema nayauxgüxe, rü nüxű yaxõgüxe, rü tüxű nanataux-chaxëe na Tupanaxacügü tixígüx-űcax.”

Cuáű 1:12

Ega chi ūpaacü taguma cuyumüxēgu, rü cunaxwaegu i ngūxēē, rü ñaa nix̄ i wüxi i yumüxẽ i curü cuaxruxü ix̄ixü:



**Pa Chorü Cori ya Ngechuchux,
Moxēxüchi na curúchagu cuyuxü
naxcax ga chorü pecádugü. Rü nüxü
charüxo, rü poraācü changechaū ga
na yema chixexü chaxüxü. Rü cuxna
naxcax chaca na guxūguma chorü ma-
xüwa cungexmaxü. Rü chayaxō na
cunamexēēxü i chorü maxü. Rü cuxü
chayaxu na chorü Maxēēruxü rü
chorü Cori na quixixücax.**

Cuégagu, Améü.

30 Ngexguma chi Ngechuchu curü maxüwa ngexmagu rü cuvä nangexma i maxü i taguma gúxü.

Tupana rü ñanagürü: "... Chomatama marü pexna chanaxä i maxü i taguma gúxü. Rü ñaa maxü rü Chaunegagu pexü nangexma."

1 Cuáü 5:11

"... Yíxema choxü irüxñüxe i chorü ore, rü nüxü yaxðxe ya yima Chaunatü ya núma choxü mucü, rü tüxü nangexma i maxü i taguma gúxü.... Rü Chaunatü rü taxütáma tümamaa nanaxuegu i poxcu...."

Cuáü 5:24

"... Cristu rü pewa nangexma i ñuxmax, rü Nagaguxicatama nixí i pexü nangexmaxü i pechica i daxüguxü i naanewa...."

Coróchacüäx 1:27

Ngexguma nüxü cucuaxgu na Ngechuchu rü marü cuvä nüxü na inangümaxü i curü chixexügü, rü núma rü curü Cori rü curü Maxéeruxü na yixixü, rü ēcü ;nuxa naxümatü i cuéga rü ñoma i ngunexü ngexma naxü!

Ñuxäcü Ngechuchuwe tarüxü:

31



¡Rü wüxichigü i ngunexü rü nawa nangux i Tupanaarü Ore, rü curü maxügu namaxa nanguxü! ¡Rü cuäegu naxü i ngema, rü ngema tá poraäcü cuxü narüngüxéé!

“Rü guxüma i Tupanaarü Ore i ümatüxü rü nügüäewatama nanyak xu ga Tupana. Rü ngema Ore rü name na duüxügüxü nama ingúexéexü, rü nama yaxucüx-ügxü, rü nama iyanawexächix-ügxü, rü nama nangúexéexü na mea Tupanapewa namaxex-cax.”

2 Timutéu 3:16

¡Ngechuchumaxa idexa ngexürüväxü i oragumare!

¡Ngechuchuna moxë naxä naxcax i guxüma i mexü! ¡Nüxü icuaxüxü naxcax i guxüma i mexü i cuxcax naxüxü, rü naxcax i ngema maxü i cuxna naxäxü! ¡Naxcax ínaca i tacü i cuxü taxuxü!
Ngechuchuégagu nayumüxë!

“... Rü ngexguma ṭacüçax nüxna icaxgu, rü nüma tüxü naxñü i ngexguma norü ngúchaü yixíxgu i ngema naxcax nüxna icaxü.”

1 Cuáü 5:14

“... Name nixí i ... pegücax peyumüxëgü....”

Chaütiágu 5:16

“... ¡Naxcax peyumüxë i ngema duüxügü i pexchi aiexü!”

Matéu 5:44



Yumüxẽ ga Ngechuchu norü ngúexügütü nanguxẽēxü.

33

“Pa Tonatü ya Daxügucüx, rü aixcüma üünecü quixi i cumax. ¡Rü núma naxü na torü äēxgacü quiixüçax! Rü tanaxwae i curü ngúchaü na naxügütü i duüxügütü i ñoma i naanewa ngexgumarüü i daxüguxü i naanewa na curü ngúchaü ínaxügütü. ¡Rü toxna naxä i torü õna i ñoma i ngunexüçax ixixü! ¡Rü toxü nüxü rüngümä i torü chixexü i taxüxü ngexgumarüü i toma rü tüxü nüxü tarüngümaxürüxü ya yíxema chixexü tomaa ügüxe! ¡Taxü i tacürü chixexüpewa toxü cuwogütü na tama nagu tayixüçax! Natürü tanaxwae i toxna cudau na tama ngema chixexü taxügütüçax. Erü cuma nixi i namaa icucuáxü i guxüma, rü cuporaxüchixü, rü maxüarü yora quixixü. Rü aixcüma ngemaäcü nixi. Améü.” Matéu 6:9-13

**Naa yumüxẽ rü ngema yaxögü rü wüxigu tagaäcü nanaxügütü.
¡Cuäēgu naxü!**

**34 Ngema 10 i Tupanaarü mugü rü tükü
nanguxēē na ñuxācü imaxēxü.**

Íxchiga (Éxodo) 20

**Rü ngema nüxíraxüxü i 4 i mugü rü tükü nanguxēē na
ñuxācü Tupanaxü ingechaxüxü.**

1. “Tama chanaxwae i chopewa ṭacü i tomaxa cutupanaāx.”
2. “¡Taūtáma i ṭacü cugücax cuxüxchicüna na ngemamaxa
cutupanaāxcax . . . rü taxūtáma ṭacürü naxchicünapegu cuca
xāpü rü nüxü quicuaxüxü!”
3. “¡Taūtáma chauégamaxa cugü ícupoxü ega ṭacürü dora cux
üxgu!”
4. “Ngema norü 7 i ngunexügu rü tá icurüngü, rü nagu tá choxü
quicuaxüxü.”

**Ngema nawa yacuáxű i 6 i mugü rü tüxű nanguxẽẽ na 35
ñuxãcü yigü ingechaxűxű.**

5. “¡Tüxű nangechaxű ya cunatü rü cué!”
6. “¡Taũtáma cumáeta!”
7. “¡Taũtáma cuxmaechita nai i ngemaxa cumaxű!”
8. “¡Taũtáma cungíxtax!”
9. “¡Taũtáma doraxű quixu i cumüçüchiga!”
10. “¡Taũtáma cugüxű cunangúchaxűxẽẽ ya cumüçüpata . . . rü
bai i ḥacü i noxrü ixixű!”

Ngexguma Tupanaga ixinügu rü törü yumüçexű nangaxüga.

“Rü nüma tá tüxna nanaxã i guxüma i ḥacü i naxcax íicaxű erü
naga taxinüe i ngema tüxű namuxű rü tanaxü i ngema nüma
namaxa nataäexű.”

36 Ngema taxre i mugü i guxüarü yexera ixixü:

1. ;Tupanaxü nangechaü!

Rü ñanagürü ga Ngechuchu: “;Rü nüxü nangechaü ya Cori ya curü Tupana guxüne ya curü maxünemaax, rü guxü i cuāēmaax, rü guxü i nagu curüxñüxümaax!”

Matéu 22:37, 38

2. ;Duūxügüxü nangechaü!

—Rü ngema norü taxre i Tupanaarü mu... rü ñanagürü: “;Nüxü nangechaü i cumücü ngema na cugü cungechaüxürüxü!”

Matéu 22:39



(1 Corítiucüäx 13:4, 5, 8, 13)

⁴“Rü yíxema aixcüma ngechaű tüxǖ ngexmáxẽ rü yaxna taxinü rü tamecüma. Rü tama tixäũxächiwae, rü tama tügü ticuaxüxü, rü tama tügöguxica tarüxinü. ⁵Rü tama taguxchigawae, rü tama tümaarü mexücxax tadau, rü tama tanuxwae, rü tama nagu tarüxinüecha ega texé chixexü tumamaa üxgu. ⁶Rü tama namaa tataäxẽ i chixexügü, natürü namaa tataäxẽ i ngema ore i aixcüma ixixü. ⁷Rü yíxema aixcüma tumamüçüxǖ ngechaűxe, rü yaxna namaa taxinü rü guxüguma nüxǖ tayaxõ, rü guxüguma mexügu namaa tarüxinü, rü taguma naxchi taxai woo tacü tumamaa naxüxgu i tumamüçü.”

⁸“Rü ngema ngechaű rü tagutáma inayacuax. . . .

¹³Rü ñuxma rü nangexma i tomaepüx i nacümagü i guxügucax ixixü. Rü ngema nixi:

- (1) Rü Tupanaäxü tayaxögü.
- (2) Rü nüxü ítananguxēē na natáeguxü ya Cristu.
- (3) Rü nüxü tacuax na tamücüxü ingechaüxü.

Natürü ngema tomaepüxtanüwa rü ngema naétüwa üxü nixi i ngema ngechaű.”

Tupana rü ngechaűwecü nixi.

“...Rü yíxema aixcüma ngechaű tüxü ngexmáxē, rü Tupanaarü duüxü tixi, erü Tupana rü tümawa namaxü.”

Ngechuchu rü nanaxwae na togümaxa nüxű quixuchigaxű.

39

(cuchiüwa, rü escuelawa, rü
tupaucawa, rü guxűwama)



**Ngechuchu rü ñanagürü
nüxű:** “¡Cuchiüwa naxű rü
cutanüxümamaxa nüxű yarüxu i
guxüma i ngema cuxcax
naxüxű ya Cori ya Tupana,
rü ñuxäcü nüxű na
cungechaütümüüxű!”

Márcu 5:19

**Ñuxācü nüxǖ tacuax i wüxi i duüxǖ
i aixcüma Tupanaxacü ixixǖ.**

“...Nacümawa tá nüxǖ pecuax nax aixcüma Tupanaarü duüxǖgü yixigüxü.” Matéu 7:20

“...Rü yíxema Tupanaäxē tümawa ngexmáxē, rü tangechaxǖwae, rü tataäxē, rü tama aigu tarüxinü, rü yaxna tüma-müçümaax taxinü, rü tangüxéewae, rü tamecüma, rü Tupanaäxǖ tayaxõ, rü tama tügü ticuaxüxü, rü tügümaa mea itacuax....”

Gárataanecǖäx 5:22, 23

**Yíxema aixcüma Tupanaxacü ixixē rü togueäxǖ nüxǖ
tangechaǖ i tümaarü chixexǖ i tümamaxa taxüxǖ.**

“Rü ngexguma pema nüxǖ nüxǖ iperüngümagu i ngema duüxǖgü i chixexǖ pemaa ügüxǖ, rü Penatü ya daxügucü rü tá ta pexǖ nüxǖ inarüngüma i perü pecadugü.” Matéu 6:14

Taxünearü ngúchaű:

“... Nai i ngemaa tamaxü, rü tupanane-tachicünagüxü ticuaxüxü, rü taxüxpewae, rü taxaixwae, rü tanuxwae, rü tachoxügawae, rü taxäüächiwae, rü tamáetawae, rü tangäxwae, rü peta taxüguecha....” Gárataanecüäx 5:19-21

“... Rü yatügü i naxrüü yatüxümaa ngeäëxü, rü ngítaaxgüxü,... rü ngema duüxügü i nügünaxica nanuxächixü i norü ngemaxügü....”

1 Corítiucüäx 6:9, 10


**¡Ngechuchuna cugü naxä na cuxü namexëëxücax, rü
Naãxẽ i Üünexümaxa çuxü napaxëëxücax!**

“... Ñuxma ya Tupana rü marü pexü ínanapi i perü chixexü na noxrüxicatama pixígüxücax... rü aixcüma napewa pime yerü Naãxẽ i Üünexü rü törü Cori ya Ngechuchuégagu marü perü pecáduna pexü ínanguxüxëe.”

1 Corítiucüäx 6:11



Ngema poxcu rü aixcüma nixī.



(¡Nüxǖ nadaumatü i
Lúca 16:19-26!)

**¡Rǖ mea Ngechuchuāxǖ
yaxō, rǖ nüma rǖ Maxǖarü
Poperagu tá nanaxümatü i
cuéga!**

“Rǖ guxema ingeégaxe
ga Tupanaarü popera i ma-
xǖpanewa rǖ naxtaa ga
üxümaa iyaurachiünawa
tawoü.”

—Apocaríchiu 20:15

Ngechuchugaguxicatama tá nixī i Tupanaxütawa ingugüxü.

43

“... Chomatama marü pexna chanaxā i maxü i taguma gúxü. Rü
ñaa maxü rü Chaunegagu pexü nangexma.” 1 Cuáü 5:11

“Rü ngema natanü na pecádu ixüxü, rü yu nixī. Natürü yíxe-
ma... Ngechuchuāxü yaxōgüxe, rü Tupana tüxna nanaxāmare i
maxü i taguma gúxü.” Dúmacüäx 6:23

“Rü yíxema Tupana Naneāxü yaxōxē rü tüxü nangexma i maxü
i taguma gúxü. Natürü yíxema tama nüxü yaxōxchaüxe ya
Tupana Nane, rü taütáma tüxü nangexma i ngema maxü i taguma
gúxü....” Cuáü 3:36

Ngechuchu rü ñanagürü: “... Choma nixī i ngema nama i Cha-
unatüxütawa nadaxü chiñxü. Rü aixcüma nixī i ngema ore i nüxü
chixuxü. Rü choma nixī i duñxügüxü chamaxēxēxü. Rü
chaugaguxicatama nixī i Chaunatüxütawa nangugüxü i duñxü-
gü.” Cuáü 14:6

Daxūguxū i naane rü aixcüma nangexma.



Rü yexguma Cuáű ngoxetügu rü nüma nüxű nadau ga wüxi ga daxūguxű i naane, rü wüxi ga ñoma i naane i ngexwaçaăxű.

“Rü nüma tá ínanapi i naxgüütü.... Rü marü taătámá texé tayu, rü texé tangechaă, rü texé ngechaăgaăcü taxaxu, rü texé ngúxű tingegü. Erü guxüma i ngema ngúxű rü marü inayarüxo.... rü dăçax, choma rü chanangex-waçaxüx   i guxüma i tac   ingexmax  ....”

Apocaríchiu 21:4, 5

Cuáű rü nüxű nadau ta ga wüxi ga īane ga üünene. Rü yima nix   ya Yeruchar   ya ngex-wacax  ne, rü Tupanax  tawa ne nax  . “...Rü nümatama ga guma īane rü uirunaxc  x nix  . Rü ñoma woruaru   niyaurac  . Rü guma nutag   ga itac   ga nor   poxegux  para ix  g  c  , rü nag  x  ra  c   ga nuta ga imex  chic  maa nangax  e....”

Apocaríchiu 21:18, 19

**Ngechuchu rü daxūwa naxū na namexēēāx- 45
ūcax ya tümachiū ya yixema nüxū yaxōgüxe.**

“¡Taxū i penaxixāchiāēgüxū i pemax! ¡Tupanaāxū peyaxōgü rü choxū rü ta peyaxōgü! Chaunatüxtawa nangexma i mux-ūchima i nachicagü. . . . Rü ngexguma marü ngéma chaxūxgu rü wüxi i pechica chamexēēxgu, rü wena táxarü núma chaxū. Rü pexū tá chayagagü na ngema nachica i chomatátama nawa changemaxüwa na pengexmagüxücax.” Cuáü 14:1-3

**¡Rü togümaxa nüxū ixu i ñaa
mexū i ore i ngexwacaxūxū!**

Ngechuchu rü ñanagürü: “¡Guxū i naanewa pexī rü guxū i duūxügümaax nüxū peyarüxu i ore i mexū!” Márcu 16:15

Tupana rü naxacügüm̄ax̄a inaxuneta:

“... Tagutáma cuxna chixū, rü tagutáma cuxū íchatax....”

Ebréugü 13:5

“Rü nümarü tá norü duűxügü i daxūcüäxū namu na cuxna nadaugüxüçax i ngextá ícuxūxüwa.”

Wiyaegü (Salmos) 91:11

“... Guxügutáma pexütawa changexmaecha ñuxmatáta nagú i naane....”

Matéu 28:20

“¡Rü taxú i cumuűxū naxcax i ngema ngúxū i tá quingexū! ... rü chanaxwae i choxū cuyaxõõma ñuxmatáta cuyux. Rü choma rü tá cuxna chanaxā i curü āmare i maxū i taguma gúxū.”

Apocaríchiu 2:10

“¡Choxna naca rü choma rü tá cuxū changäxū! ...”

Yeremía 33:3



Guxūma i yuexū rü tá ínarüdagü.

“... Tá ínangu i ngema ngunexū i nagu guxūma i duűxügü i yüexū rü tá nüxū naxīnue i chauga. Rü naxmaügüwa tá ínachoxū. Rü ngema mea maxēxū, rü tá ínarüdagü na nayauxgüäxüçax i maxū i taguma gúxū. Natürü ngema chixexū ügütü, rü tá ínarüdagü na napoxcuexüçax.”

Cuáū 5:28, 29



Yíxema Cristugu yuexe rü tükira tá ítarüdagü.

“Rü ngema wena i yixema na imaxēxū rü Tupana tá wüxigu caixanexügu tükü nigagü namaă i ngema duűxügü i yuewa írüdagüxü. Rü ngemaäcü tá daxügu... Ngechuchuxü tayangaugü na guxügutáma naxütawa ingexmagüxüçax.”

Techarónicacüäx 4:17

“... ¡Ípedaue rü pexuäegü! Erü tama nüxū pecuax i tacürü ora tá íchangü i chomax!”

Márcu 13:33

¿Nuxācü tá numa naxū ya Ngechuchu?

“Rü dūcax, marü ningaiça na caixanexűgu ínanguxű ya Cristu! Rü guxütáma i duűxűgү nüxű nadau....” Apocaríchiu 1:7



¡Rü pexüäegü naxcax i ngema Cristugüneta ixígüxű, rü orearü uruxügüneta ixígüxű!

“Rü ngexguma texé pexű ñagügu: —Dūcax, daa nixī ya Cristu —ñagügu, rüexna: —guä nixī ya Cristu —ñagügu, rü tama name i nüxű peyax-ögü.” Matéu 24:23, 26

Ngürüächimare tá caixanexűgu numa naxū ya Ngechuchu.

“Erü ñoma wüxi i baixbexane i guxuwama nangónexëexürüü tá nixī i ngexguma wenaxarü núma chaxűxgu i chomax i Tupana Nane na duűxűxű chixīxű. Rü guxű i nachiüanecüäx tá nüxű nadaugü na ñuxācü daxűwa ne chaxűxű.... Rü äexgacü ya poraxüchicü rü mexëchicü tá chixī.” Matéu 24:27, 30

Tórü Daruüchiga

Wiyaegü (Salmo) 23

¹Rü nüma ya Cori ya Tupana rü chorü dauruxű nixī rü taxuxűma choxű nataxu. **²Rü mexű i nachicagu choxű narüngüxēē rü mechixű i natüwa choxű naga.** **³Rü ngexguma chaturagu rü choxű naporaxēēama, rü mexű i namawa choxű naga na ngemaācü natachigaxűcax i naéga.** **⁴Rü woo tacürü äucümaxű i taxűwa chaxüpetügu, rü taxucaxma chamuű erü cuma Pa Cori Pa Tupanax, rü chauxütawa cungexma.** Rü yima curü naixmenamaa mexű i namawaama choxű cuxűxēē, rü curü caxűruxűmaa choxű ícupoxű. **⁵Rü mexű i ñona chauxcax cumexēē napewa i chorü uwanügü rü pumáramaa choxű cubaeru.** Rü nangupetüxüchi i ngema curü ngüxēē i choxna cuxăxű. **⁶Rü guxű i ngunexűgu rü chomaa cumecüma rü cuxű changechaxütümüxű.** Rü ngemacax, Pa Corix, rü cupatawa tá changexmaecha rü guxügutáma cuxütawa chamaxecha.

The Bible text used for the New Testament verses is from TUPANÄRÜ ORE. Usado con permiso
La Liga Bíblica, 16801 Van Dam Road, South Holland, IL 60473, Las Sagradas Escrituras Para Todos

Publicado en otros idiomas de acuerdo con las finanzas que Dios provee en respuesta a la oración. Prensa Misionera Mundial, P.O. Box 120 New Paris, IN 46553-0120 USA

Escriba a la siguiente dirección y le enviaremos gratuitamente un curso bíblico:
CRUZADA MEXICANA, A.C., APARTADO POSTAL M-55, MEXICO 06000, D.F. MEXICO

Gratis – No debe venderse

www.wmpress.org

09-20

Read booklets online or by App
www.wmp-readonline.org
2261 Ticuna (Peru/Colombia) WTG

